

CYFARFOD COMISIWN FFINIAU LLYWODRAETH LEOL I GYMRU A GYNHALIWDYDD DDYDD MAWRTH 7^{FED} HYDREF, 2003 YNG NGWESTY BEAUFORT PARK, YR WYDDGRUG, SIR Y FFLINT

Comisiynwyr

Mrs. S G Smith (Cadeirydd)
Mr. J E Davies (Dirprwy Gadeirydd)
Mr. D H Roberts (Aelod)

Ysgrifenyddiaeth

Mr. E H Lewis (Ysgrifennydd)
Mr. S R Halsall
Mr. D Carr
Mrs. C Thomas

1. Cofnodion cyfarfod y Comisiwn a gynhaliwyd ar 3^{ydd} Medi, 2003.

1.1 **Cymeradwywyd** y rhain yn amodol ar fân newidiadau.

2. Materion yn Codi.

2.1 *Y Newyddion Diweddaraf ar Dechnoleg Gwybodaeth*

2.1.1 Nodwyd nad oedd problem y gwasanaethydd wedi'i ddatrys o hyd.

2.1.2 Cafwyd ar ddeall na allai Cynulliad Cenedlaethol Cymru wneud dim i ddatrys y broblem, gan fod y mater yn cael ei ystyried gan landlord Tŷ Caradog ar hyn o bryd.

2.1.3 **Cytunwyd** nad oedd unrhyw beth pellach y gellid ei wneud heblaw am aros am gymeradwyaeth y landlord.

2.2 *Cerdyn Credyd Corfforaethol*

2.2.1 Nodwyd bod y Comisiwn wedi derbyn dau Gerdyn Caffael y Llywodraeth ac y câi Cyfarwyddiadau desg eu llunio i egluro sut i ddefnyddio'r cardiau.

2.3 *Arolwg o Ran o'r Ffin Rhwng Cymunedau Bracla a Choety Uchaf ym Mwrdeistref Sirol Pen-y-bont ar Ogwr.*

2.3.1 Nodwyd bod y Cynulliad wedi penderfynu cyfarwyddo'r Comisiwn i gynnal arolwg o gymunedau Bracla a Choety Uchaf.

2.3.2 Cafwyd ar ddeall bod y Gweinidog wedi anfon llythyrau y diwrnod hwnnw at y cynghorau perthnasol i ymgynghori â hwy ar y cyfarwyddiadau drafft.

2.4 *Tendro am Wasanaethau Cyfreithiol*

2.4.1 Nodwyd bod hyn wedi'i gyflawni.

2.5 *Arolwg o'r Ffiniau rhwng Sir Gaerfyrddin, Bwrdeistref Sirol Castell nedd Port Talbot a Sir Powys yn ardal Cwmllynfell.*

2.5.1 Nodwyd bod Cyngor Bwrdeistref Sirol Castell nedd Port Talbot wedi cyflwyno sylw newydd a fyddai'n cael ei drafod o dan Eitem 4 ar yr agenda.

2.6 *Arolwg o'r Ffiniau rhwng Cymunedau Dyffryn Clydach a Blaenhonddan ym Mwrdeistref Sirol Castell nedd Port Talbot*

2.6.1 Nodwyd bod y Comisiwn yn dal i aros am gyfarwyddiadau gan y Cynulliad.

2.7 *Cais i Gynnal Arolwg o'r Ffiniau rhwng Ceredigion a Sir Benfro yng Nghymunedau Llandudoch a Chilgerran*

2.7.1 Ym marn y Comisiwn ni ddylai'r arolwg hwn ddechrau tan ar ôl yr etholiadau Llywodraeth Leol nesaf.

2.7.2 **Cytunwyd** y dylai'r arolwg ddechrau yn ystod haf 2004 ac y byddai'r Ysgrifenyddiaeth yn paratoi amserlen arfaethedig erbyn cyfarfod nesaf y Comisiwn.

2.8 *Cyfarfod â'r Gweinidog dros Gyllid, Llywodraeth Leol a Gwasanaethau Cyhoeddus.*

2.8.1 Nodwyd y byddai'r cyfarfod hwn yn cael ei gynnal ar 27^{ain} Tachwedd, 2003 am 9.00 am.

2.9 *Cyflwyniad i'r Pwyllgor Llywodraeth Leol a Gwasanaethau Cyhoeddus*

2.9.1 Nodwyd bod y Pwyllgor Llywodraeth Leol a Gwasanaethau Cyhoeddus wedi penderfynu peidio â chynnal cyfarfod gyda'r Comisiwn eleni oherwydd ei amserlen brysur.

2.9.2 Fodd bynnag, nodwyd hefyd y dylai aelodau'r Pwyllgor fod yn ymwybodol eisoes o gynnwys Adroddiad Blynyddol y Comisiwn 2002/3 gan fod copi wedi'i anfon at bob Aelod o'r Cynulliad ac at bob Aelod Seneddol.

2.10 *Cyfarfod Cyffredinol Blynyddol 2004*

2.10.1 Nodwyd ei bod yn debygol y byddai'r cyfarfod nesaf yn cael ei gynnal yng Nghaerdydd.

3. Arolwg o'r ffin rhwng Cymunedau Aberhonddu a Llanfrynach yn Sir Powys – Adroddiad ar Gynigion.

3.1 **Cytunodd** y Comisiwn i dderbyn y drafft o'r Cynigion Terfynol ar gyfer yr arolwg o'r ffin rhwng cymunedau Aberhonddu a Llanfrynach.

4. Arolwg o'r ffiniau rhwng Sir Gaerfyrddin, Bwrdeistref Sirol Castell nedd Port Talbot a Sir Powys yn ardal Cwmllynfell – sylw gan Gyngor Bwrdeistref Sirol Castell nedd Port Talbot.

4.1 **Cytunwyd** i dderbyn sylw gan Gyngor Bwrdeistref Sirol Castell nedd Port Talbot a dderbyniwyd gan y Comisiwn ar ôl diwedd y cyfnod ymgynghori.

- 4.2 Cynhaliwyd trafodaeth fanwl ar gynnwys sylw yr Awdurdod, ond ar ôl ystyriaeth briodol **cytunwyd** i gadarnhau penderfyniad blaenorol y Comisiwn i fabwysiadu'r cynigion a gyflwynwyd gan Gyngor Cymuned Cwmllynfell fel sylw ffurfiol.
- 4.3 **Cytunwyd** y byddai adroddiad ar y Cynigion Terfynol yn cael ei baratoi er mwyn ei gymeradwyo yng nghyfarfod nesaf y Comisiwn.

5. Unrhyw Fater Arall

5.1 *Cyfarfod Prif Weithredwyr cyrff cyhoeddus a noddir gan y Cynulliad gyda'r Prif Weinidog ar 21ain Tachwedd, 2003.*

- 5.1.1 Cafwyd ar ddeall y dylai staff yr Ysgrifenyddiaeth roi gwybod am unrhyw eitemau i'w cynnwys ar yr Agenda.
- 5.1.2 Mynegwyd pryder y dylid dosbarthu papurau'r cyfarfod mewn da bryd. Fodd bynnag, yn dilyn derbyn llythyr gan yr Ysgrifennydd ynglŷn â dosbarthu'r Agendâu yn hwyr, nodwyd bod yr Ysgrifennydd Parhaol wedi addo y byddai papurau'n cael eu dosbarthu cyn gynted â phosib yn y dyfodol.

5.2 *Swyddfeydd Rhanbarthol*

- 5.2.1 Nodwyd ymrwymiad y Cynulliad i symud swyddfeydd allan o Gaerdydd.
- 5.2.2 Cafwyd ar ddeall nad oedd yn rhaid i'r Comisiwn fod wedi ei leoli yng Nghaerdydd.
- 5.2.3 Fodd bynnag, **cytunwyd** na fyddai symud yn ymarferol. Byddai symud i un o swyddfeydd rhanbarthol y Cynulliad yn peryglu annibyniaeth y Comisiwn. Byddai'r ffaith bod prydles Tŷ Caradog yn parhau yn peri problem hefyd.

5.3 *Penodi Adam Peat yn Ombwdsmon Gwasanaethau Cyhoeddus*

- 5.3.1 Nodwyd bod Mr Peat yn symud o'i swydd fel Cyfarwyddwr Adran Llywodraeth Leol a Diwylliant y Cynulliad i'r swydd Ombwdsmon Gwasanaethau Cyhoeddus Cymru sydd newydd ei chreu.
- 5.3.2 **Cytunwyd** y dylai'r Comisiwn anfon llythyr yn llongyfarch Mr Peat.

6. Dyddiad y Cyfarfod Nesaf

- 6.1 Caiff cyfarfod nesaf y Comisiwn ei gynnal yn Nhŷ Caradog ar 27^{ain} Tachwedd, 2003 am 10.30am.